

昌黎先生詩集注卷第九

律詩八十五首

題楚昭王廟

嗣立按史記楚世家平王卒乃立太子珍是為昭王在位二十一年公外集有記宜城驛云驛東北有井傳是昭王井井東北數十步有楚昭王廟高木萬株舊廟屋極宏盛今惟草屋一區然問左側人尚云每歲十月民相率聚祭其前元和十四年二月二日題蓋與此詩同作也



丘墳一作園滿目衣冠盡城闕連雲草樹荒猶有國人懷
舊德一間茅屋祭昭王

宿龍宮灘

陽山縣志龍宮灘在縣西十五里

浩浩復湯湯音商灘聲抑更揚奔流疑激電驚浪似浮

霜夢覺燈生暈宵殘雨送涼如何連曉語一半是思

鄉一作祇是說家鄉

西清詩話黃魯直云退之裁聽水句尤見工所謂浩浩湯湯抑更揚者非諳客裏夜臥飽聞此聲安能周旋妙處如此邪

義魚招張功曹一無下四字

周禮以時籍魚鄭氏云以叔刺泥中取之詳見卷三八月十五夜贈張功曹詩注

義魚春岸闊此興在中宵大炬然如晝長船縛似橋

深窺沙可數靜撈水無搖見卷五和盧雲夫送盤谷子詩注刀一作手下那能

脫波間或自跳中去聲鱗憐一作疑錦碎當去聲目訝珠銷迷

火逃翻近驚人去暫遙競多心轉細得雋語時踞見卷八城

潭罄知存寡舫音賢一作船平覺獲饒交頭疑湊餌駢一作志

首類同條濡沫情雖密莊子大宗師篇泉涸魚相與處於陸相吻以濕相濡以沫登門事一作志

已遼辛氏三秦記河津一名龍門水險不通魚莫能上盈車欺故事

浪凝猶沸腥風遠更飄蓋江煙幕幕莫秋切拂一作迴棹影

寥寥懶去愁無食龍移懼見燒如棠名既誤左傳隱公五年公將

釣渭日徒消史記齊太公世家呂尚年老漁釣周西伯出獵遇於渭之陽文客驚先賦

篙工喜盡謠選吳都賦篙工楫師選自閩禺膾成思我友觀樂憶吾僚子杜

自可捐憂累何須強問鴉選賈誼鵬鳥賦序鵬似鴉不祥鳥也鵬鳥賦請

李員外寄紙筆

方云李伯康也伯康以貞元十九年為郴州刺史權德輿集有墓志宋云公祭李郴州文獲紙筆之雙買即謂此事投義魚之短韻亦指前篇也

美觀打魚詩吾徒胡為縱此樂問于鵬兮余去何之

題是臨池後張彥遠法書要錄張芝善草書臨池學書池水盡黑分從起草餘漢官儀尚書郎主作

文書起草兔尖針莫並嗣立補注西京雜記天子筆以錯寶為跗毛皆以秋兔之毫繭淨雪難如世

義之書蘭亭序用蠶繭紙莫怪殷勤謝虞卿正著書史記虞卿傳虞卿不得意乃著書曰虞氏春秋太史

公曰虞卿非窮愁亦不能著書

次同冠一作弄峽一作巫

云公有同冠峽詩與此詩凡二章皆赴陽山時作嗣立按胡渭云今廣州府陽山縣西北七十里有同官峽

接連州界疑即此同冠峽也

今日是何朝天晴一作清物色饒落英千尺隋遊絲百丈

飄泄乳交巖脉懸流揭浪標無心思嶺北猿鳥莫相

撩

答張十一功曹唐本有張署寄公詩

山淨江空水見沙哀猿啼處兩三家篔簹音當競長

纖纖笋異物志篔簹生水邊長數丈圍一尺五六十寸廬陵界有之躑躅閑一作初開豔豔花羊躑躅花名見

卷三杏花詩注未報恩波知死所左傳文公二年狼莫令炎瘴送生

涯杜子美詩應須美酒送生涯吟君詩罷看雙鬢斗覺霜毛一半加任子

斗覺詩中健語也前輩多使退之詩有此句東坡詩黃昏斗覺羅裳薄後山詩斗覺文字生清新

郴州祈雨

唐地理志郴州桂陽郡屬江南道

乞雨女郎魂魚羞潔且繁廟開鼯鼠叫見卷一南山詩注神降

越巫言史記封禪書漢武帝早氣期銷蕩陰官想駿奔畫駿奔走執豆

籩行看五馬入嗣立補注潘子真詩話禮天子六馬左右驂三公九卿

其加秩申二千石乃右驂故以五馬為太守美稱蕭颯已隨軒謝承後漢

書鄭弘為淮陰太守政不煩苛天旱行春隨車致雨

湘中酬張十一功曹

休垂絕一作越徼千行淚顏師古漢書注徼猶塞也東北謂之塞西南謂之徼共泛清湘一

葉舟嗣立補注軒后本紀見浮葉乃為舟黃閔武陵沅記武陵鼎口望沅川中舟如樹一葉今日嶺猿兼越鳥

可憐同聽不知愁

柳口又贈二首

山作劒攢江寫鏡扁舟斗轉疾於飛迴頭笑向張公

子嗣立按劉石齡云漢五行志張公子時相見杜子美詩天上張公子又好去張公子終日思歸此日歸

雪一作雲颭霜翻看不分雷驚電激語難聞沿涯一作崖宛轉

到深處何限青天無片雲

題木居士二首

張芸叟木居士詩序耒陽縣北沿流二三十里齧口寺即退之所題木居士在焉元豐初以禱旱不應為邑令析而薪之今存者乃僧道符更刻

火透波穿不計春根如頭面榦如身偶然題作木居士便有無窮求福人

為神詎比溝中斷莊子天地篇百年之木破為犧樽青黃而文之其斷在溝中比犧樽于溝中之斷則美惡有間矣其

於失性一也遇賞還同爨下餘後漢蔡邕傳在吳人有燒桐以爨者邕聞火烈之聲知其良木因請而裁為琴果有

美音而其尾猶焦時人名曰焦尾琴焉朽蠹不勝刀鋸力匠人雖巧欲何如

晚泊江口

郡城朝解纜江岸暮依村二女竹上淚用湘妃事孤臣水底

魂用屈原事雙雙歸蟄燕嗣立按吳兆宜云晉郝鑿傳鑿避難于魯國澤山掘野鼠蟄燕而食之一一叫

羣猿迴首那聞一作能語空看別袖翻

湘中

猿愁魚踊一作躍水翻波自古流傳是汨羅音覓羅漢賈誼傳為賦以弔屈原曰側

聞屈原兮自湛汨羅師古曰汨水名在長沙羅縣蘋藻滿盤一作船無處奠空聞漁父叩

舷一作船歌楚辭漁父篇漁父莞爾而笑鼓枻而去王逸曰鼓枻叩船舷也

別盈上人

方云柳子厚集有誠盈住衡山中院

山僧愛山出無期俗士牽俗來何時祝融峰下一迴

首即是此生長別離

喜雪獻裴尚書一無下四字

嗣立補注唐書裴均字君齊累遷荆南節度使加檢校吏部尚書

宿雲寒不卷春雪墮如筵所宜切一作篩騁巧先投隙潛光半

一作亂入池喜深將策試驚密仰簷窺自下何曾汗增高

未覺一作見危比心明可燭拂面愛還吹妒舞時飄袖欺

梅併壓枝地空迷界限砌滿接高卑浩蕩乾坤合霏

微物象移為一作驗祥矜大熟布澤荷平施已分年華晚

猶憐曙色隨氣嚴當酒換一作暖灑急聽窗知邵氏聞見錄荆公嘗以力去陳

言誇末俗可憐無補費精神薄退之然其詠雪則云借問火城將策試何如雲屋聽窗知皆用退之句也去古人陳言以為非用古人陳言乃為是邪照

曜臨初日玲瓏滴晚一作曉斯聚庭看嶽聳埽路見雲披

陣勢魚麗一作離遠嗣立補注左傳桓公五年鄭人為魚麗之陳先偏後伍杜預曰司馬法車戰二十五乘為偏以車居前以伍次

麗陣法書文鳥篆奇嗣立補注張懷瓘書斷蒼頡俯察龜文鳥跡之象合而為字是為古文衛恒古文贊黃帝之史

沮誦蒼頡眺彼鳥跡始作書契縱歡羅豔黠列賀擁熊螭履弊行偏冷東郭

先生行雪中履有上無下足盡履地門扃臥更羸汝南先賢傳時大雪積地丈餘洛陽令至袁安門無有行路謂安已死令人除

雪入戶見一作鳥悲嘶聞病馬一作鳥浪走信嬌兒竈靜愁煙絕絲

繁念鬢衰擬鹽吟舊句晉謝道韞傳嘗家集俄而雪驟下謝安曰何所似兄子朗曰撒鹽空中差可擬授

簡慕前規選雪賦梁王遊于兔園俄而雪下王廼授簡于司馬大夫曰侔色揣稱為寡人賦之捧贈同燕石

闕子宋之愚人得燕石藏之以為大寶周客聞而觀焉笑曰此特燕石也其與瓦甃不殊多慙失所宜

春雪

看一作觀雪乘清旦無人坐獨一作獨坐謠拂花輕尚起落地暖

初銷已訝陵歌扇還來伴舞腰灑篁留密一作半節著柳

送長條入鏡鸞窺沼行天馬度橋沈存中云杜子美詩紅稻啄餘鸚鵡粒碧梧棲老鳳

徧階憐可掬滿樹戲成搖江浪

迎濤日風毛縱獵朝嗣立補注文選西都賦風毛兩血弄閑時細轉爭急

忽驚飄城險疑懸布左傳襄公十年晉荀偃士句伐偃陽主人縣布董父登之及堞而絕之砧寒未

擣綃莫愁陰景促夜色一作月自相饒

聞梨花發贈劉師命

桃蹊一作溪惆悵不能過嗣立補注漢李廣傳贊桃李不言下自成蹊師古曰蹊謂徑道也紅豔紛

紛落地多聞道郭西千樹雪欲將君去醉如何

春雪間一作映早梅

梅將雪共春彩豔不相因逐吹能爭密排枝巧妒新

誰令香滿座獨使淨無塵芳意饒呈瑞寒光助照人

玲瓏開已徧點綴坐來頻那是俱疑似須知兩逼真

熒煌初亂眼浩蕩忽迷神未許瓊華比詩尚之以瓊華乎而從將一作

將玉樹親選甘泉賦翠玉樹之青蔥先期迎獻歲更伴占茲辰一作晨願得

長輝映輕微一作嚴敢自珍

早春雪中聞鷓

諸本或在入關詠馬之後

朝鷓雪裏新雪樹眼前春帶澁先迎氣侵寒已報人
共矜初聽早誰貴後聞頻暫轉那成曲孤鳴豈及辰
風霜徒自保桃李詎相親寄謝幽棲友辛勤不為身

梨花下贈劉師命

方云蘇魏公云當錄於古詩中

洛陽城外清明節百花寥落梨花發今日相逢瘴海
頭共驚爛漫開正月

和歸工部送僧約

原注工部歸登也

嗣立補注舊唐書歸登字冲之舉孝廉復登賢良科累遷工部尚書卒方云約荊州人詳見劉夢得集

早知皆是自拘囚不學因循到白頭汝既出家還擾

擾何人更得一作向死前休

入關詠馬

歲老豈能充上四馬史記孫子傳今以君之下駟與彼上駟取君上駟與彼中駟力微當自慎

前程不知何故翻驤首選赭白馬賦眷西極而驤首牽過關門安一作忘一

鳴

木芙蓉

新開寒露叢遠比水間紅豔色寧相妒嘉名偶自同

採江官渡晚選古詩涉江採芙蓉寒木古祠空楚辭九歌寒芙蓉兮木末願得一作須勤

來看無令便逐風

宋云此詩言荷花與木芙蓉生不同處而色皆美名又同故以採江寒木二事相對言其生處而九歌者祭神之辭故曰古祠也

題張十一旅舍三詠

榴花

五月榴花照眼明
枝間時見子初成
可憐此地無車馬
顛倒青苔落絳英

井

賈誼宅中今始見

嗣立補注荆州記湘州南寺之東有賈誼宅宅之中有井井旁有石有局脚牀可容一人坐形制甚古

皆傳曰即誼所坐杜子美詩長懷賈傅井依然

葛洪山下昔曾窺

嗣立補注晉葛洪傳字稚川止羅浮山煉丹羅浮山

記葛稚川入羅浮鍊丹弟子從之者五百餘人置觀四所今丹存焉

寒泉百尺空看影正是行人

渴一作死時

蒲萄

新莖未徧半猶枯
高架支離倒復扶

一作後扶若君

欲滿盤

堆馬乳

蜀本圖經本草蒲萄子有紫白二色又有似馬乳者

莫辭添竹引龍鬚

峽石西一作寒泉

居然鱗介不能容
石眼環環水一鍾
聞說早時求得雨
祇疑科斗是蛟龍

梁國惠康公主挽歌一有二首

唐書梁國惠康公主憲宗長女特愛之下嫁于季友元和中薨朱云羊士諤集有梁國惠康公主挽歌詞二首注云時詔令百官進詩嗣立補注譙周法訓挽歌者高帝召田橫至尺鄉自殺從者不敢哭而不勝哀故為此歌以寄哀音焉

定謚芳聲遠移封大國
新巽宮尊長女

易巽為長女

台室屬

良人云季友之父頓為相故云台室

河漢重泉夜梧桐
半樹春龍輻

音而

非厭

於涉切

翟選寡婦賦龍輻儼其星駕兮說文輻喪車也周禮王后之五輅二曰厭翟鄭氏云次其羽使相迫也

還輶禁

城塵

秦地吹簫女用列仙傳蕭史事見卷五誰氏子詩注湘波鼓瑟妃用楚辭遠游篇見卷八遠游聯句詩注

佩蘭初應夢左傳宣公三年鄭文公有賤妾曰燕姑夢天使與已蘭曰以是為而子既而文公與之蘭而御之生穆公名之曰蘭

奔月竟淪輝用淮南子姮娥事見卷五月蝕詩注夫族迎魂去宮官會葬歸

從今沁七鳩反園草後漢竇憲傳奪沁水公主園田注沁水公主明帝女無復更芳菲

和崔舍人詠月二十韻原注崔羣也

嗣立補注舊唐書崔羣傳元和初召為翰林學士歷中書舍人

三秋端正月今夜出東溟對日猶分勢騰天漸吐靈

未高烝遠氣半上霽孤形赫奕當躔次虛徐度杳冥

長河晴散霧列宿音秀曙分螢浩蕩英華溢瀟疎物象

冷一作零池邊臨倒照簷際送橫經花樹參差見臯禽斷

續聆詩鶴鳴于九臯嗣立補注文選月賦聆臯禽之夕聞牖光窺寂寞砧影伴娉婷幽

坐看侵戶閑吟愛滿庭輝斜通壁練彩碎射沙星清

潔雲間路空涼水上亭淨堪分顧兔楚辭天問厥利維何而顧兔在腹細

得數飄萍山翠相凝綠林煙共羃青過隅驚桂側當

午覺輪停屬音燭思擣霞錦追歡罄縹緗郡樓何處望

隴笛此時聽右掖連台座重門限禁扃風臺觀滉一作沈

漾冰砌步青熒獨有虞庠客無由拾落莫見卷二答張徹詩注云公時

以職方員外郎下遷四門博士意謂職在虞庠去堯階遠矣

詠雪贈張籍

樊云此詩或云自松篁遭挫抑以下等語專譏時相故終以其意謂張籍曰惟子能諳爾諸人得語哉又曰莫

煩相屬和傳示及提孩其有所譏也審矣

只一作祇見縱橫落寧知遠近來飄飄還自弄歷亂竟誰

催座暖銷那怪池清失可猜坳中初蓋底

嗣立補注莊子逍遙游篇覆杯

水于坳 坳 徒結

處遂成堆

嗣立補注詩鶴鳴于坳劉貢父云歐陽永叔與江鄰幾論此詩以隨車翻縞帶逐馬散銀盃為

不工而以坳中初蓋底坳處遂成堆為勝且謂未知得韓意否

慢

一作漫 有先居後輕多去却迴度

前鋪瓦隴發本

一作奔發

積牆隈穿細時雙透乘危忽半摧

舞深逢坎井集早值層臺砧練終宜擣階紉未暇裁

城寒裝

一作粧

睥睨

嗣立補注釋名城上垣曰睥睨言于其孔中睥睨非常也

樹凍裏

一作覆

補注杜子美詩

片片勻如翦紛紛碎若按

乃禾切

定非燭鵲鷺

真是屑瓊瑰

姑回反一作瓊王氏塵史說文以瓊為赤玉比見人詠白物多用之韓愈雪詩真是屑瓊瑰又今朝踏作瓊瓊跡別有所

稽邪豈用之不審也

緯 畫 觀朝萼

楚辭離騷經忽緯繡其難遷王逸曰緯繡再戾也

冥茫矚

晚埃當窗恒凜凜出戶即皚皚

五來切選班叔皮北征賦涉積雪之皚皚說文皚皚霜雪白之貌

壓

一作潤

野榮芝菌 傾都委貨財娥嬉華蕩漾

一作漾用姁娥

胥怒浪崔嵬

用伍子胥事見卷八遠游聯句詩注

磧迥疑浮地

嗣立補注說文沙漠曰磧

平想輶雷隨車翻縞帶

左傳襄公二十九年與之縞帶

逐馬散銀盃萬屋

漫汗

二字皆平聲

合千株照耀開松篁遭挫抑

一作折方云公時以柳澗事下遷疑

寄意於時宰也

糞壤獲饒培隔絕門庭遽擠排陞級纒

漢薛宣傳擠排宗室

豈堪裨嶽鎮強欲效鹽梅隱匿瑕疵盡

左傳宣公十五年

羅委瑣該

漢司馬相如傳豈特委瑣喔躑

誤

雞宵呢

音呢

驚雀

暗徘徊浩浩過三暮

史記天官書白帝行德畢昂為之圍圍三暮德乃成

悠悠市九垓

音該風俗通十兆曰經十經曰垓國語天子之田九垓以食兆民

鯨鯢陸死骨

選海賦魚則橫海之鯨陸死鹽田顛骨成嶽

玉石火炎灰

畫火炎昆岡玉石俱焚

厚慮填溟壑高愁擻

音致

擻北極之嶸嶸應劭曰擻至也嗣立補注漢天文志北斗七星用昏建者杓平旦建者魁孟康曰杓斗之尾魁斗之首也

日輪埋欲側

坤軸壓將頽

嗣立補注杜子美詩下衝割坤軸

岸類

一作暈似

長蛇攪陵猶巨

象豕水官夸傑黠木氣怯胚胎嗣立補注淮南子孕婦三月而胚胎著地無

由卷連天不易推他回切龍魚冷蟄苦虎豹餓號哀巧借

奢豪便專繩困約災威貪陵布被嗣立補注史記公孫弘傳弘為布被光肯

離一作雜金壘見卷三憶昨行詩注賞玩捐他事歌謠放我才狂教詩

肆勒未反矼五忽反一作杙選江賦巨石肆矼以前却善曰沙石隨水之貌興與酒陪鯁蘇來反一作獰選射雉賦敷

藻翰之陪鯁善曰奮怒之貌也惟子能諳耳諸人得語哉助留風作黨

勸坐火為媒雕刻文刀利搜求智網恢莫煩相屬和

傳示及提孩

酬王二十舍人雪中見寄

方云王涯為舍人見王適墓志本傳略之朱云王二十涯亦見諱行錄嗣立按舊唐書王涯本傳涯字廣津太原人擢進士第登宏辭科貞元二年召克翰林學士拜右拾遺左補闕起居舍人崧卿云本傳略之豈但見新

邪書

三日柴門擁不開階平庭一作庭平滿白皚皚嗣立補注杜子美詩涯沈谷沒白皚皚

今朝蹋作瓊瑤跡為有詩從一作仙鳳沼來嗣立補注晉荀勗傳勗自中書監為

尚書令或有賀之者曰奪我鳳皇池諸君賀我邪

送侯喜

已作龍鍾後時者懶於街裏蹋塵埃如今便別長官

去方云喜時為國子主簿公為祭酒故云長官也直到新年衙日來

學諸進士作精衛銜石填海

任昉述異記昔炎帝女溺死東海中化為精衛其名自呼每銜西山木石填東海一名冤禽俗呼帝女雀

鳥有償冤者終年抱寸誠口銜山石細心望海波平

渺渺功難見區區命已輕人皆譏造次我獨賞專精

豈計休無日惟應盡此生何慙刺客傳司馬遷史記不著報仇名

奉一無奉字酬振武胡十二丈大夫原注胡証也

舊唐書胡証字啓中河東人元和九年党項寇邊以証有安邊才略乃授振武軍節度使

傾朝共羨寵光頻半歲遷騰作虎臣戎旆暫停辭社

樹諸本作弩矢前驅煩縣令趙璘因話錄胡証建節赴振武過河中時趙宗儒為帥証持刺稱百姓入謁獻詩曰詩書入京國旌節過鄉關里

門先下敬鄉人漢萬石君傳石奮徙居陵里子慶醉歸入外門不下車奮讓之曰內史貴人入閭里里中長老皆走匿而內史

坐車中自如固當後慶及諸子入里門趨至家橫飛玉盞家山曉遠蹀金珂塞草春

自笑平生誇膽氣不離文字鬢毛新

奉和庫部盧四兄曹長元日朝迴原注盧汀也

洪云國史譜云兩省相呼為閣老尚書丞郎相呼為曹長郎中員外御史遺補相呼為院長上可兼下下不可

兼上唯御史相呼為端公然退之呼盧庫部為曹長張功曹為院長則上下亦通稱也

天仗宵嚴建一作樹羽旄嗣立補注唐儀衛志凡朝會之仗三會番上分為五仗一曰供奉仗二曰親仗三曰勳仗四曰

翊仗五曰散手仗每月以四十六人立內廊閣外號曰內仗以左右金吾將軍當上中郎將一人押之朝罷皇帝步入東序門然後放仗詩建彼旄矣春

雲送色曉雞號金爐香動螭頭暗唐會要漢柏梁殿災越巫言海中有魚虬尾似鵝激

浪則降雨遂作像于屋以厭火災亦作螭字嗣立補注唐書儀衛志朝日殿上設黼宸躡席熏爐香案百官志起居郎舍人分侍左右夾香案分立殿下直第

二螭首和墨濡筆皆即坳處時號螭頭玉佩聲來雉尾高唐儀衛志人君舉動必以扇雉尾障扇四小團雉尾扇四方雉尾

扇十二嗣立補注杜子美詩雲移雉尾開宮扇戎服上趨承北極儒冠列侍映東曹

太平時節難身一作身難遇郎署何須歎二毛左傳僖公二十二年不擒二毛杜預曰頭

白有二色選秋興賦余春秋三十有二始見二毛以太尉掾兼虎賁中郎將寓直于散騎之省

寒食直歸一作宿遇雨唐本箋云元和十年公時以考功郎中知制誥

寒食時看度春遊事已違風光連日直陰雨半朝一作晴

歸不見紅毬上

劉向別錄蹋鞠黃帝所造本兵勢也或云起於戰國

那論綵索飛

古今藝術圖北

方山戎寒食日用鞦韆為戲以習輕趨者或曰自齊桓公北伐山戎戎始傳中國之火以賜近臣順陽氣亦見歲時記 向曙著朝衣

送李六協律歸荆南

云李協律朝也唐地理志江陵府江陵郡本荊州南郡屬山南道

早日羈遊所春風送客歸柳花還漠漠

季太白詩風吹柳花滿店香

江

燕正飛飛

杜子美詩清秋燕子正飛飛

歌舞知誰在賓僚逐使非宋亭

池水綠

杜子美詩曾聞宋玉宅每欲到荊州本集寒食日出遊詩宋玉庭邊不見人詳見第三卷注

莫忘蹋芳菲

題百葉桃花

原注知制詔時作

百葉雙桃晚更紅窺窗映竹見玲瓏應知侍史歸天

上故伴仙郎宿禁中

應劭漢官儀尚書入直臺解中給侍史一人女侍史二人皆選端正者侍史從至止車門還女

侍史潔被服執香爐燒熏以從入臺中給使護衣服白帖諸曹郎稱為仙郎白樂天詩仙郎靜翫禁闈間王云公以考功郎中知制誥寓直禁掖故云

春雪

新年都未有芳華二月初驚見草芽白雪却嫌春色

晚故穿庭樹作飛花

戲題牡丹

西陽雜俎牡丹前史中無說處惟謝康樂集中言竹間

水際多牡丹成式檢隋朝種植法初不說牡丹則知隋朝花藥中所無也開元末裴士淹奉使回至汾州得白牡丹一窠植於長安私第至德中馬僕射領太原又得

紅紫二色者移於城中元和初猶少今與戎葵角多少矣

幸自同開俱隱約何須相倚鬪輕盈陵晨併作新粧

面對客偏含不語情雙燕無機還拂掠遊蜂多思正

經營長年是事皆拋盡今日欄邊暫眼明

盤營盆池五首皆此蓋今日斷營傳用也
洪云劉貢父云退之古詩高卓至律詩雖可稱善要有
不工者老翁真箇似童兒此真諧語為戲耳或云盆池

幸自同開與
詩有天工如拍岸纔添水數餅
夜青蛙鳴到曉非意到不能作也

老翁真箇似童兒汲水埋盆作小池一夜青蛙鳴到

曉恰如方口釣魚時
方口地名見卷五和盧
雲夫送盤谷子詩注

莫道盆池作不成藕梢初種已齊生從今有雨
一作兩灑君

須記來聽蕭蕭打葉聲

瓦沼晨朝水自清小蟲無數不知名忽然分散無蹤

影惟一作為有魚兒作隊行
杜子美詩細
雨魚兒出

泥盆淺小詎成池夜半青蛙醒一作聽得知一聽暗來將

伴侶不煩鳴喚鬪雄雌

池光天影共青青拍岸纔添水數餅且待夜深明一作乘
月去試看涵泳幾多星

芍藥

詩鄭風溱洧贈之以芍藥
毛氏云芍藥香草

浩態狂香昔未逢紅燈爍爍綠盤龍覺來獨對情一作忽
驚恐身在仙宮第幾重

奉一無和號州劉給事使君三堂新題一無新二
奉字

十一詠并序

方云劉伯芻以元和八年出刺號州白樂天有制詞嗣
立補注舊唐書劉伯芻字素芝洺州廣平人登進士第

累遷考功郎中集賢院學士轉給事中出為號州刺史
呂溫號州三堂記開元初天子思二南之風並選宗英

共持理柄號大而近匪親不居時惟五王出入相授承
平易理逸政多暇考卜惟勝作為三堂三者明臣子在

三之節堂者勵
宗室克構之義

號州刺史宅連水池竹林往往為亭臺島渚目其處
為三堂劉兄自給事中出刺此州在任逾歲職修人
治州中稱無事頗復增飾從子弟而遊其間又作二
十一詩以詠其事流行京師文士爭和之余與劉善
故亦同作

新亭

湖上新亭好公來日出初水文一作紋浮枕簟瓦影蔭龜
魚

流水

汨汨幾時休從春復到秋只一作祇言池未滿池滿強交

流

竹洞

竹洞何年有公初斫竹開洞門無鎖鑰俗客不曾來

月臺

南館城陰闊東湖水氣多直須臺上看始奈月明何

渚亭

自有人知處那無步往蹤莫教安四壁面面看芙蓉

竹溪

藹藹溪流慢一作漫梢梢岸篠一作竹長穿沙碧簾古旱切淨落水

紫苞香

云少陵竹詩有雨洗娟娟淨風吹細細香前輩嘗云竹未嘗有香而少陵以香言之豈知公亦有落水紫苞香之語乎

北湖

聞說遊湖棹尋當到此迴應留醒心處準擬醉時來

花島

蜂蝶去紛紛香風隔岸聞欲知花島處水上覓紅雲

柳溪

柳樹誰人種行行夾岸高莫將條繫纜著處有蟬號

西山

新月迎宵挂晴雲到晚留為遮西望眼終是懶迴頭

竹逕

無塵從不埽有鳥莫令彈若要添風月應除數百竿

荷池

風雨秋池上高荷蓋水繁未諳鳴撼撼那似卷翻翻

稻畦

蜀布畦堪數桓譚新論守邊隅趨作蜀以自生於小地選韋弘嗣博奕論所務不過方罫之間朱云罫碁局上方目也枝

分水莫尋魚肥知已秀鶴沒覺初深

柳巷

柳巷還飛絮春餘幾許時吏人休報事公作送春詩

花源一作原

源上花初發公應日日來丁寧紅與紫慎莫一作勿一時

開

北樓

郡樓乘曉上盡日不能迴晚色將秋至長風送月來

鏡潭

非鑄復非鎔泓澄忽此逢魚鰕不用避只是照蛟龍

孤嶼

朝遊孤嶼南暮戲孤嶼北所以孤嶼鳥與公盡相識

方橋

非閣復非船可居兼可過君欲問方橋方橋如此作

音佐廣韻作造也將祚切荀子肉腐出蟲魚枯生蠹貪利忘身禍裁乃作後漢廉范傳廉叔度來何暮不禁火民安作

梯橋

乍似上青冥初疑躡菡萏自無飛仙骨欲度何由敢

月池

寒池月下明新月池邊曲若不妒清妍却成相映燭

遊城南十六首

方云十六詩非一日作編者類次之

賽神

白布長衫紫領巾差科未動是閑人麥苗含穗桑生

椹食荏反詩食我桑黹懷我好音黹與椹同共向田頭樂社神

題于賓客莊

舊唐書于頓字允元河南人憲宗即位冊拜司空平章事元和八年十月改授太子賓客

榆莢車尺遮反前蓋地皮爾雅釋木榆白粉郭璞曰粉榆先生葉却著莢皮色白釋草莢苦馬舄車前郭璞曰今車前草

大葉長穗好生道邊江東呼為蝦蟆衣薔薇蘸水筍穿籬馬蹄無入朱門跡縱

使春歸可得知

晚春

草樹一作木知春不久歸百般紅紫鬪芳菲楊花榆莢無

才思惟解漫天作雪飛

落花

已分將身著地飛那羞踐蹋損光暉無端又被春風
誤吹落西家不得歸

楸樹二首

幾歲生成為大樹一朝纏繞困長藤誰人與脫青羅
帔看吐高花萬萬層

幸自枝條能樹立可一作何煩蘿蔓作文加傍一作遊人不解

尋根本却道新花勝舊花

風折花枝

浮豔侵天難就看清香撲地只一作可遙聞春風也是多

情思故揀一作折繁枝折一作將贈君

贈同遊

喚起窗全曙催歸日未西無心花裏鳥更與盡情啼

洪云魯直云吾兒時每哦此詩而了不解其意自出峽來吾年五十八矣時春
曉偶憶此詩方悟之喚起催歸二禽名也古人於小詩用意精深如此催歸子
規也喚起聲如人絡絲圓轉清亮偏於春曉鳴江南謂之春喚復齋漫錄予嘗
讀唐顧渚山茶記曰顧渚山中有鳥如鸚鵡而色蒼每至正二月作聲曰春起
也三四月云春去也採茶人呼為喚春鳥然則喚起之名唐人說矣豫章不舉為證何邪

贈張十八助教

喜君眸子重清朗云籍嘗病眼故云攜手城南歷舊遊忽見孟

生題竹處云公與孟郊嘗遊此有城南聯句至是郊死矣相看淚落不能收

題韋氏莊

嗣立補注雍錄呂圖韋曲在明德門外韋后家在此蓋皇子陂之西所謂城南韋杜鄭樵通志韋曲在樊川唐

韋安石之別業

昔者誰能比今來事不同
寂寥青草曲散漫白榆風
架倒藤全落籬崩竹半空
寧須一作知惆悵立翻覆本無窮

晚雨

廉纖晚雨不能晴
池岸草間蚯蚓鳴
投竿跨馬蹋歸路
纔到城門打鼓聲

出城

暫出城門蹋青草
遠於林下見春山
應須韋杜家家到
嗣立補注杜子美集自注俚語云城南韋杜去天尺五祇有今朝一日閑

把酒

擾擾馳名者誰能
一日閑我來無伴侶
把酒對一作謝南山

嘲少年

直把春償酒都將
命乞音氣花見卷五調張籍詩注
祇知閑信馬不覺誤隨車

楸樹

青幢紫蓋立童童
蜀志先主傳舍東南角籬上有桑樹童童如小車蓋嗣立按劉石齡云杜子美病柏詩童童狀車蓋
細雨浮煙作綵籠
不得畫師來貌音邀一作邀
取定知難見

一生中杜子美詩貌得山僧及童子又画工如山貌不同

遣興一作遠

斷送一生惟有酒
尋思百計不如閑
莫憂世事兼身

事須著人間比夢間

昌黎先生詩集注卷第九

昌黎先生詩集注卷第十

律詩八十首

送李尚書赴襄陽八韻

原注得長字李遜也

舊唐書憲宗紀元和十年十月始析山南東道為兩節度使以戶部侍郎李遜為襄州刺史充襄復郢均房節度使以右羽林將軍高霞寓為唐州刺史充唐隨鄧節度使李遜本傳遜字友道登進士第累遷戶部侍郎元和十年拜襄州刺史充山南東道節度觀察等使云按遜本傳遷戶部侍郎為山南東道節度使又按襄州石本題名銜云檢校工部尚書李遜時遜蓋自尚書而出史略之

帝憂南國切改命付忠良

云按舊唐書先是山南東道節度使嚴綬討吳元濟無功罷為太子少保乃

以遜為節度故云壤畫星搖動

嗣立補注杜子美詩三峽星河影動搖

旗分獸簸揚五營

兵轉肅

後漢張奐傳率五營士圍竇武

千里地還方控帶荆門遠

嗣立補注盛弘之荆

州記郡西沂江六十里南岸有山曰荆門水經注荆山在南上合下開狀似門

飄浮漢水長

嗣立補注左傳僖公四年楚國漢水

以為池杜預曰漢水出武都至江夏南入江賜書寬屬郡一作部戰馬隔鄰疆縱獵雷

霆迅觀碁玉石忙風流峴首客晉羊祜傳祜樂山水每風景必造峴山置酒言詠顧謂鄒湛曰

自有宇宙便有此山由來賢達勝士登此遠望如我與卿者多矣皆淹滅無聞使人悲傷

之所作也誕為襄陽郡夜聞諸女歌謠因而作之其曲云朝發襄陽城暮至大堤宿大堤諸女兒花豔驚郎目

教不自強富貴由身致誰

和席八十二韻原注席叢

諱行錄席叢行八貞元十年進士

絳闕銀河曙嗣立補注文選謝玄暉詩秋河曙耿耿東風右掖春應劭漢官儀中書為右曹又稱西掖

新綺陌朝遊閒綾袞夜直頻漢官典職儀尚書郎入直供青綾白綾被橫門開

日月高閣切星辰庭變寒前草天銷霽後塵溝聲通

苑急柳色壓城勻綸綉音緋謀猷盛禮記王言如綸其出如綉丹青步武

親芳菲含斧藻揚子吾未見斧藻其德若斧藻其素者斧與黼同光景暢形神傍砌

看紅藥選謝玄暉直中書省詩紅藥當階翻蒼苔依砌上巡池詠白蘋嗣立補注白樂天白蘋洲五亭記湖

州城東南二百步抵雲溪連汀州一名白蘋梁吳興守柳惲于此賦詩云汀洲採白蘋因以為名也

多情懷一作怯酒伴餘

事作詩人倚玉一作市難藏拙嗣立補注世說魏明帝使后弟毛曾與夏侯玄共坐時人謂蒹葭倚玉樹

吹竽久混真韓非子齊宣王好竽吹竽者三百人皆食祿南郭先生不知竽濫食祿于三百人中宣王薨後王欲一一吹之南郭

道乃坐慙空自老江海未還身

和武相公早春聞鶯

和武相公早春聞鶯

詳見卷七和武相公孔雀詩注

早晚飛來入錦城嗣立補注益州記錦城在益州南笮橋東流江南岸昔蜀時故錦官也今號錦城墉尚在誰

人教解百般鳴春風紅樹驚眠處似妒歌童作豔聲

太安池 闕

遊太平公主山莊

嗣立補注唐書太平公主則天皇后所生初尚薛紹更嫁武攸暨先天二年主與常元楷李慈浮屠慧範等謀廢太子事敗主亡入南山三日乃出賜死于第主作觀池樂游原以為盛集既敗賜寧申岐薛四王都人歲被禊其地

公主當年欲占春故將臺榭押一作壓城闈欲知前面花多少一作處直到南山不屬人

晚春

誰收春色將歸去慢一作漫綠妖紅半不存榆莢祇能隨柳絮等閑撩亂走空園

大行皇太后挽歌詞三首

嗣立補注風俗通天子新崩未有謚號故總其名曰大行皇帝也韋昭曰大行者不反之辭舊唐書順宗莊憲皇后王氏琅邪人大曆十三年生憲宗皇帝永貞內禪冊為太上皇后元和元年尊為皇太后元和十一年三月崩於南內之咸寧殿謚曰莊憲皇后

一紀尊名正云后以永貞元年尊為皇太后崩於十一年故曰一紀三時孝養移亮切祭

高居朝聖主厚德載羣生武帳虛一作空中

禁漢霍光傳太后被珠襦盛服坐武帳中玄堂掩太平選謝玄暉齊敬皇后哀冊文翠帟舒阜玄堂啓扉秋天

笳鼓歇松栢徧山鳴

威儀備吉凶文物雜軍容配地行新祭嗣立補注後漢光武紀中元元年告

祠高廟曰薄太后母德慈仁孝文皇帝賢明臨國子孫賴福延祚至今其上薄太后尊號曰高皇后配食地祇因山託故封嗣立補注

漢文帝紀後七年夏六月己亥帝崩遺詔曰霸陵山川因其故無有所改文帝竇皇后傳元光六年崩合葬霸陵鳳飛終不返

用蕭劍化會相從嗣立補注晉張華傳雷煥得鄴城雙劍送一與華留一自佩曰靈異之物終當化去華得劍寶愛之曰天生神

物終當合耳華誅失劍所在煥卒子華持劍行經延平津劍忽于腰間躍出墮水使人沒水求之但見兩龍各長數丈蟠紫有文章沒者懼而反于是失劍

吳兆宜云三輔黃圖鐘室在長樂中

無復臨長樂空聞報曉一作鐘漢叔孫通傳惠帝為東朝長樂宮師古曰朝太后于長樂宮嗣立按

追攀萬國來警衛百神陪畫翼所甲切登秋殿禮記喪大記畫翼二鄭氏云漢

禮翼以木為筐廣三尺高二尺四寸方兩角高衣以白布容衣入夜臺喪大記飾棺君龍帷三池振容鄭氏云青質五色畫之於絞緇

而垂之以為振容雲隨仙馭遠風助聖情哀只有朝陵日粧奩

一暫開後漢陰皇后紀明帝謁原陵從席前伏御牀視太后鏡奩中物感動悲涕注奩鏡匣也

廣宣上人頻見過云廣宣蜀僧元和中住長安安國寺寺有紅樓宣有詩名號紅樓集

三百一作十六旬長擾擾書其三百有六旬不衝風雨即塵埃久慙

一作為朝士無裨補空愧高僧數往來學道窮年何所得

吟詩竟日未能迴天寒古寺遊人少紅葉窗前有幾堆

閑遊二首

雨後來更好繞池徧青青柳花閑度竹菱葉故一作亂穿

萍方云少陵詩潛龍故起雲江上燕子故來頻皆用此字獨坐殊未厭孤斟詎能醒持

竿至日暮幽詠欲誰聽

茲遊苦不數再到一作至遂經一作兼旬萍蓋汙池淨藤籠老

樹新林鳥一作鷺鳴訝客岸竹長遮鄰子雲祇自守漢揚雄傳安帝

時丁傳董賢用事時雄方草太玄有以自守泊如也奚事九衢塵

酬馬侍郎寄酒原注馬總

嗣立補注舊唐書馬總字會元扶風人元和八年自桂州刺史桂管經略觀察使入為刑部侍郎裴度宣慰淮

西秦為制置副使吳元濟誅度留總蔡州知彰義軍留後尋檢校工部尚書蔡州刺史克淮西節度使

一壺情所寄四句意能多秋到無詩酒其如月色何

和侯協律詠笋

原注侯喜

竹亭人不到新笋滿前軒乍出真堪賞初多未覺煩

成行音杭齊婢僕環立比兒孫驗長常攜尺愁乾屢側

盆對吟忘膳飲偶坐變朝昏滯雨膏腴溼驕陽氣候

温得時方張王方云莊子所謂王長其間是也並去聲讀公與劉夢得蒲萄詩皆用張王字挾勢欲騰

騫見角牛羊没看皮虎豹存攢生猶有隙散布忽無

垠詎可持籌算誰能以理言縱橫公占地羅列暗連

根狂劇時穿壁羣強幾觸藩嗣立補注易深潛如避逐一作

世遠去若追奔始訝妨人路還驚入藥園萌牙防寢

大覆載莫偏恩已復侵危砌非徒出短垣身寧虞瓦

礫計擬揜蘭蓀嗣立補注文選沈休文詩今守馥蘭蓀王逸楚辭注蓀香草名也且歎高無數

庸知上幾番短長終不校先後竟誰論外恨苞藏密

中仍節目繁嗣立按吳兆宜云禮記先其易者後其節目暫須迴步履要取助盤

飧穰穰上聲疑翻地森森競塞門戈矛頭戢戢蛇虺首

掀掀婦懦咨料音聊一作聊揀張湛列子序且將料簡世所希有者兒癡謁盡髡侯

生來慰我一作意詩句讀驚魂屬和才將竭呻吟至日一作欲

暎方云楚辭九歎日暎暎其西舍亦可以日入言也

過鴻溝

漢高帝紀割鴻溝以西為漢以東為楚應劭曰在滎陽東南二十里○云此下皆隨裴晉公伐蔡詩

龍疲虎困割川原億萬蒼生性命存誰勸君王回馬

首真成一擲賭乾坤

送張侍郎

方云張賈時自兵侍為華州

司徒東鎮馳書謁丞相西來走馬迎

舊唐書元和十年正月宣武節度使韓弘守為

司徒平章事並如故十二年七月以中書侍郎平章事裴度克淮西宣慰處置使王云馳書謁謂已馳書往謁弘走馬迎謂已走馬往迎度也

兩府

元臣今轉密一方逋寇不難平

嗣立按吳兆宜云南史范泰傳百年逋寇前賢挫屈者多矣

贈刑部馬侍郎

原注馬總時副晉公東征

紅旗照海壓南荒徵入中臺作侍郎

嗣立按馬總本傳自桂州刺史桂管經略觀察

使入為刑部侍郎故云

暫從相公平小寇便歸天闕致時康

奉一無和裴相公東征途經女兒山下作

云女兒山在河南府福昌縣三十四里白樂天云晉公出討淮西過女兒山下題詩云待平賊壘報天子莫

指仙山示武夫而公此詩和云

旗穿曉日雲霞雜山倚秋空劍戟明

洪云以我之旗况彼雲霞以彼之山况我劍戟

詩家謂迴鸞舞鳳格

敢請相公平賊後暫攜諸吏上崢嶸

郾城晚飲奉

一無奉字

贈副使馬侍郎及馮李二員

外

原注馮宿時以都官李宗閔時以禮部並從征

嗣立補注舊唐書裴度傳度奉詔為淮西宣慰招討處置使仍奏刑部侍郎馬摠為宣慰副使都官員外郎馮宿禮部員外郎李宗閔等為兩使判官書記皆從之

城上赤雲呈勝氣

唐書吳武陵傳元濟未破數月武陵自硤石望東南氣如旗鼓矛楯皆顛倒橫斜少選黃白氣出西

北盤蛇相交告韓愈曰今西北王師所在氣黃白喜象也敗氣為賊賊必亡矣

眉間黃色見歸期

嗣立補注玉管照神

畫黃色喜徵相畫喜色紅黃

幕中無事惟須飲即是連鑣

補鑣切

向闕時

說文

銜馬

酬一無酬字別留後侍郎原注蔡平命馬摠為留後

嗣立補注舊唐書裴度傳度自蔡州入朝留副使馬摠為彰義軍留後

為文無出相如右嗣立補注漢田叔傳上召與語漢廷臣無能出其右者文選雪賦相如未至居客之右謀帥

難居卻音穀音先左傳僖公二十七年晉文公作三軍謀元帥趙衰曰卻穀可歸去雪銷漆

洧動嗣立補注毛萇毛詩傳溱洧鄭兩水名孫奭孟子疏地理志溱洧水在河南西來旌旆拂晴天

同李二十八夜次襄城原注李正封也

嗣立補注全唐詩話李正封字中護終監察御史唐地理志襄城縣屬汝州臨汝郡

周楚仍連接川原乍屈盤雲垂天不暖塵漲雪猶乾

印綬歸台室旌旗別將壇欲知迎候盛騎火萬星攢

同李二十八員外從裴相公野宿西界

四面星辰著地明散燒煙火宿天兵不關破賊須歸

奏自赴新年賀太平

過襄城

郾城辭罷過襄城潁水嵩山刮眼明已去蔡州三百

里家人不用遠來迎

宿神龜一有驛字招李二十八馮十七

九域志汝州有神龜驛臺開皇初建詳見上郾城晚飲詩注

荒山野水照斜暉啄雪寒鴉趁始飛夜宿驛亭愁不

睡幸來相就蓋征衣

次硤石

嗣立補注唐地理志硤石縣屬陝州陝郡

數日方離雪今朝又出山試憑高處望隱約見潼關

和李一有二十司勳過一無連昌宮

唐地理志壽安縣西二十九里有連昌宮顯慶三年置樊云連昌宮按志高宗顯慶三年置然詩落句云云疑為明皇所作而元微之連昌宮辭大槩亦詠明皇帝

夾道疎槐出老根高蔓巨桷壓山原宮前遺老來相

問嗣立補注李太白詩六帝餘古丘樵蘇泣遺老今是開元幾葉孫

次潼關先寄張十二閣老使君原注張賈

嗣立補注通典潼關本名衝關言河流所衝也雍錄潼關在華州華陰縣東北三十九里關西一里有潼水因以為名

荆山已去華山來漢郊祀志黃帝鑄鼎荆山下晉灼曰地理志荆山在漢馮翊懷德縣華山見卷三古意詩注日

出一作照潼關四扇一作面開刺史莫辭迎候遠相公親一作新破

蔡州迴

次潼關一有頭字上都統相公

嗣立補注舊唐書韓弘穎川人憲宗即位授司徒同平章事准西諸軍行營都統

暫辭堂印執兵權盡管諸軍破賊年冠蓋相望催入相待將功德格皇天

桃林夜賀晉公

云按舊唐書憲宗紀元和十二年十二月壬戌以裴度守本官賜上柱國晉國公丙子以右庶子韓愈為刑部侍郎考其年十二月丙辰朔壬戌則其月七日期以其月十六日方至自蔡則前除命蓋在公未入朝之前故云桃林夜賀晉公嗣立補注書放牛于桃林之野孔氏云桃林在華山東杜預左傳注桃林之塞今弘農華陰縣潼關是也

西來騎火照山紅夜宿桃林臘月中手把命珪兼相印一時重疊賞元功

送李員外院長分司東都

去年秋露下羈旅逐東征今歲春光動驅馳別上京
飲中相顧色送後獨歸情兩地無千里因風數寄聲

晉公破賊回重拜台司以詩示幕中賓客愈

奉和一作晉公自蔡州入覲途中重拜云云愈因和之

嗣立補注舊唐書裴度傳度八月二十七日至郾城巡撫諸軍宣達上旨士皆賈勇出戰皆捷十月十一日唐鄧節度使李愬襲破懸瓠城擒吳元濟十一月二十八日度自蔡州入朝十二月詔加度金紫光祿大夫弘文館大學士賜勳上柱國封晉國公食邑三千戶

南伐旋師太華東天書夜到冊元功將軍舊壓三司
貴相國新兼五等崇鸞鷲欲歸仙仗裏熊羆還入禁
營中長慙典午非材職一作識蜀志譙周傳典午忽兮月酉没兮典午者謂司馬也云白樂天自江州司

馬還朝再出亦曰昔徵從典午得就閑官即至公

獨釣一作酌四首

侯家林館勝偶入得垂竿曲樹行藤角平池散芡盤
羽沈知食駛一作快一作快或作駛緡細覺牽難聊取夸兒女榆條繫
從鞍

一逕向池斜池塘野草花雨多添柳耳水長減蒲芽

坐厭親刑柄王云時公為刑部侍郎韋應物詩坐厭淮南守偷來傍釣車太平公事

少吏隱詎相賒嗣立補注杜子美詩肯信吾兼吏隱名

獨往南塘上秋晨景氣醒露排四岸草風約半池萍

鳥下見人寂魚來聞餌馨所嗟無可召不得倒吾餅

秋半百物變溪魚去不來風能一作稜坼芡菡露亦一作液染

黎顥遠岫重疊出寒花散亂開所期終莫至日暮與誰迴

枯樹

老樹無枝葉風霜不復侵腹穿人可過皮剥蟻還尋寄託惟朝菌嗣立補注壯子道遙遊篇朝菌不知晦朔未肯但空心

元日酬蔡州馬十二尚書去年蔡州元日見

寄之什

元日新詩已去年蔡州遙寄荷相憐今朝縱有誰人領自是三峰一作冬不敢眠

詠燈花同侯十一一作同侯十一詠燈花原注侯十一喜也

今夕知何夕花然錦帳中自能當雪暖那肯待春紅

黃一作囊裏排金粟方云何遜詩金粟裏搔頭蜀人史彥升曰黃裏排金謂額間花鈿也釵頭綴玉蟲

更煩將喜事來報主人公一作翁嗣立補注西京雜記燈火花得錢財史記范睢傳主人翁習知之

雪浪齋日記云此詩極似少陵

祖席前字一二題前字秋字上皆有得字原注以王涯徙袁州刺史而作

方云按舊紀涯刺袁州元和三年四月也公時在東都故曰祖席洛橋邊嗣立補注新唐書王涯傳涯甥皇甫湜以賢良方正對策異等忤宰相涯坐不避嫌罷學士再貶虢州司馬徙為袁州刺史漢疏廣傳設祖道供帳東都門外景十三王傳祖於江陵北門師古曰祖者送行之祭因饗飲也昔黃帝之子纍祖好遠遊而死於道故後人以為行神也

祖席洛橋邊親交共黯然野晴山簇簇霜曉菊鮮鮮書寄相思處盃銜欲別前淮陽知不薄嗣立補注漢汲黯傳召拜為淮陽太守

守黯伏謝不受上曰君薄淮陽
邪選謝玄暉詩淮陽股肱守終願早迴船

秋字

淮南悲木落嗣立補注淮南子木落長年悲而一作今我亦傷秋況與故人別

那堪羈宦愁榮華今異路風雨苦同憂莫以宜春遠

詳見下量移江山多勝遊公自題云兩詩何處好就中何處佳何處惡

送鄭尚書赴南海

嗣立補注唐書鄭權汴州開封人擢進士第穆宗立累遷工部尚書結權幸求鎮守于是檢校尚書右僕射嶺南節度使按公集有送鄭尚書序唐地理志廣州南海郡

番音愚軍府盛嗣立補注舊唐書南海縣即漢番禺縣也地以番山禺山名

番禺軍府盛欲說暫停盃

蓋海旂幢出連天觀閣開衙時龍戶集韓云南部新書長安有龍戶見水色

則知有龍或引出但鯁魚而已上日馬人來唐南蠻傳環王有五銅柱馬援所植援還留不

去者才十戶隋末孽衍至三百皆姓馬俗以其寓故號馬留人風靜鷄音居去國語海鳥曰鷄鷄

禽曰海其有災乎夫廣川之鳥獸常知風而避其災也是歲也海多大風官廉蚌蛤迴嗣立補注後漢孟嘗

出珠與交趾常通商販先時宰守多貪珠漸徙于交趾郡界嘗到官未踰歲去珠復還貨通師子國嗣立補注唐西域傳師子

居西南海中多奇寶以寶置洲上商船償直輒取去能馴養師子因以名國樂奏武一作越王臺漢南粵王傳趙佗自立為南粵

王事事皆殊異無嫌屈大才

答道士寄樹雞原注樹雞木耳之大者

云東坡和陶詩黃菘養土羔老楮生樹雞即此

軟濕青黃狀可猜欲烹還喚木盤迴煩君自入華陽

洞直割垂龍左耳來柳子厚龍城錄茅山道士吳綽採藥於華陽洞口見一小兒手把三珠戲於松下綽從之奔入

洞中化為龍以三珠填左耳中綽以藥斧斫之落左耳而三珠已失所在馮贄雲仙錄天罰垂龍必割其耳

左遷至藍關示姪孫湘

秀野州堂

顏師古漢書注漢時依上古法朝列以右為尊故謂降秩為左遷唐地理志藍田縣有藍田關故嶢關有庫谷有關云青瑣高議湘字清夫公姪也落魄不羈公勉之學乃笑作詩有能開頃刻花之句公曰汝能奪造化開花乎湘遂聚土覆盆良久曰花已發矣舉盆乃碧花二朶葉間有小金字乃詩一聯云雲橫秦嶺家何在雪擁藍關馬不前公未曉詩意湘曰事久可驗公後貶潮陽途有一人冒雪而來乃湘也湘曰公憶花上句乎乃今日事也公詢地名即藍關再三嗟歎曰吾為汝成此詩云云西陽雜俎亦載是事獨不載湘名然公逸詩有徐州贈族姪云自言有奇術探妙知天工意亦若指是事豈湘果有出世之學邪嗣立按公姪老成子二人長曰湘滂其季也語見韓滂墓志銘仙傳拾遺所載與此小異但言公外甥忘其名大約皆後世不經之語青瑣高議似未可盡信也

一封朝奏九重天夕貶潮州路八千

一作陽路八千 嗣立補注舊唐書憲宗紀元和十四年春

正月丁亥迎鳳翔法門寺佛骨至京師留禁中三日乃送諸寺刑部侍郎韓愈上疏極陳其弊癸巳貶愈為潮州刺史

欲一作本為聖明

除弊事肯將

一作豈將 或作豈於

衰朽

一作暮

惜

一作計

殘年雲橫秦嶺家何

在雪擁

一作揜

藍關馬不前知汝遠來應有意好收吾骨

瘴江邊

左傳僖公三十二年 年余收爾骨焉

武關西逢配流吐蕃

唐地理志商州商洛縣東有武關嗣立補注唐吐蕃傳吐蕃本西羌屬百有五十種散處河湟江岷間

嗟爾戎

一作胡

人莫慘然湖南地近

一作近地

保生全我今罪重

無歸望直去長安路八千

次鄧州界

唐地理志鄧州南 陽郡屬山南道

潮陽南去倍長沙戀闕那堪又憶家心訝愁來惟

一作誰

貯火眼知別後自添花商顏暮雪逢人少

漢溝洫志自徵引洛水至商顏

下師古曰商顏商山之顏也 謂之顏者譬人之顏額也

鄧鄙春泥見驛賒早晚王師收海

嶽普將雷雨發萌芽

題臨瀧寺

不覺離家已五千

云漢高帝紀提三尺取天下及韓安國傳本無劍字古固有如此造語者公言離家已五千則知其為里也或以

歌後誚之則非

仍將衰病入瀧船

見卷六瀧吏詩注

潮陽未到吾能

一作人先

說海氣昏昏水

浪一作

拍天

晚次宣溪辱

辱字

韶州張端公

一無端公字

使君惠書

敘別酬以絕句

一無絕句字

二章

唐地理志韶州始興郡屬嶺南道國史補御史相呼為端公

韶州南去接宣溪雲水蒼茫日向西客淚數行元

一作先

自落鷓鴣休傍耳邊啼

兼金那

一作安

足比清文百

一作白

首相隨愧使君俱是嶺南

巡管内莫欺荒僻斷知聞

筆墨閒錄潮州以後詩最哀深宣溪絕句等詩絕有味

題秀禪師房

橋夾水松

一作船

行百步竹林

一作林

莞席到僧家暫拳一手

支頭

一作頤

臥還把漁竿下釣

一作晚

沙

將至韶州先寄張端公

一無端公字

使君借圖經

曲江山水聞來久

嗣立補注唐地理志韶州有曲江縣武德四年置臨瀧良化二縣貞觀八年省

恐不知

名訪倍難願借圖經將入界每

一作亦

逢佳處便開看

過始興江口感懷

嗣立補注水經注江水西逕始興縣南

憶作兒童隨伯氏

嗣立補注公新書本傳愈生三歲而孤隨伯兄會貶官嶺表

南來今只一

身存目前百口還相逐舊事無人可共論

韶州留別張端公使君

來往再逢梅柳新

孫云公元和十四年正月以論佛骨貶潮州三月至潮州十月量移袁州十五年正月至袁州其往

來上下於韶皆梅柳新時也

別離一醉綺羅春久欽江摠文才妙

陳書江摠傳字

摠持能屬文為後主所幸多有側篇好事相傳諷翫孔奐傳江摠文華之人

自歎虞翻骨相屯

吳志虞翻傳字仲翔

翻既歸孫策命為功曹出為富春長

鳴笛急吹爭落日

清歌緩送款行人已知奏課當徵拜那復淹留詠白

蘋

柳惲詩汀洲採白蘋詳見上和席八韻詩注

量移袁州張韶州端公

一無端公字

以詩相賀因

一無因字

酬之

一作量移袁州酬張韶州先寄詩賀或作量移袁州張韶州先詩見賀因酬之

唐地理志袁州宜春郡屬江南道

明時遠逐事何如遇赦移官罪未除北望詎令隨塞

鴈

管子鴈春北秋南

南遷纔免葬江魚

楚辭屈原漁父章葬于江魚腹中

將經貴郡

煩留客先惠高文謝起予暫欲繫船韶石下上賓虞

舜整冠裾

水經注始興縣有韶石兩石對峙似雙闕素州郡志韶石舜嘗登此奏樂今有廟在焉

次石頭驛寄江西王十中丞閣老

原注仲舒

水經注贛水之西岸有盤石謂之石頭津步之處也嗣立補注舊唐書王仲舒傳字弘中太原人穆宗即位召

為中書舍人出為洪州刺史御史中丞江南西道觀察使

憑高試迴首一望豫章城

嗣立補注唐地理志洪州豫章郡水經注漢高祖六年命灌嬰以為豫章郡治

此即灌嬰所築也應劭曰豫章郡樹生庭中故名

人由

戀德泣馬亦別羣鳴寒日

夕始照風江遠漸平默然都不語應識此時情

遊

一作題西林寺題

蕭二兄

一無兄字

郎中舊堂

公自注蕭兄有

家女出

方云蕭二存也存少與韓會梁肅友善惡裴延齡之為人弃官歸廬山廬山今猶有蕭存魏弘李渤同遊大林題名嗣立補注唐書蕭存字伯誠建中初遷殿中侍御史四遷比部郎中疾裴延齡之姦去官風痺卒韓愈少為存所知自袁州還過存廬山故居而諸子前死唯一女在為經贍其家

中郎有女能傳業

後漢董祀妻傳蔡邕女名琰字文姬興平中天下喪亂為胡騎所獲曹操痛邕無嗣以金璧贖之重

嫁于祀因問曰聞夫人家先多墳籍猶能憶識不文姬曰昔亡父賜書四千許卷流離塗炭罔有存者今所誦憶裁四十餘篇于是繕書送之文無遺誤

道無兒可保家

因話錄作無人可主家晉鄧攸傳字伯道為河東太守永嘉末没于石勒攸擔其兒及其弟子綏而逃度不能

兩全乃曰吾弟早亡唯有一息理不可絕止應自棄我兒耳幸而得存我後當有子乃棄其子至江東遷尚書左僕射卒卒以無嗣時人為之語曰天道無知

使鄧伯道無兒 偶到匡山曾住處

嗣立補注廬山記匡俗出于周威王時生而神靈隱淪潛景廬于此山故山取號焉

幾行衰淚落煙霞

因話錄作今日匡山過舊隱空將衰淚對煙霞

自袁州一有除官二字還京行次安陸先寄隨州周員

外

行行指漢東

左傳桓公六年漢東之國隨為大

暫喜笑言同雨雪離江上

蒹葭出夢中面猶含瘴色眼已見華風歲暮難相值

酣歌未可終

題廣昌館

云館在隨州棗陽縣南

白水龍飛已幾春

選東京賦我世祖忿之乃龍飛白水薛綜曰世祖謂光武白水謂南陽白水縣世祖所起之處也

偶逢

一作尋

遺跡問耕人丘墳發掘當官路

一作道

何處南陽

有近親

後漢劉隆傳時天下墾田多不以實帝見陳留吏牘上書云潁川弘農可問河南南陽不可問帝詰吏由不服時顯宗為東海公年

十二日河南帝城多近臣南陽帝鄉多近親田宅踰制不可為準帝詰問吏乃服如顯宗對

寄隨州周員外

陸孟丘楊久作塵

方云公與陸長源孟叔度丘穎楊凝及周君巢同為董晉幕客故也

同時存者

更誰人金丹別後知傳得

孫云周好金丹服餌之術柳子厚集中有答周君巢論餌藥久壽書是也

乞

取刀圭救病身

本草凡散藥有云刀圭者十分方寸匕之一準如梧桐子大也方寸匕者作匕正方一寸抄散取不落為度

酒中留上襄陽李相公

諸本作醉中留別襄州李相公原注謂逢吉也

嗣立補注舊唐書李逢吉傳憲宗罷逢吉政事出為劍南東川節度使穆宗即位移襄州刺史山南東道節度使

濁水汙泥清路塵

選曹子建詩君若清路塵妾若濁水泥

還曾同制掌絲綸

云公元和十一年正月為中書舍人而逢吉以其年四月自舍人拜相故云

眼穿長訝雙魚斷

見卷五寄盧全詩注

耳熱何辭數爵頻

漢揚惲傳酒後耳熱

銀燭未銷

一作終或作殘

窻送曙

金釵半醉

一作墜

座添春

許彥周云退之此語殊不類其為人乃知賦梅花不獨宋廣平也

知公不

久歸釣軸應許閑官寄病身

去歲自刑部侍郎以罪貶潮州刺史乘驛赴

任其後家亦譴逐小女道死殯之層峰驛旁

山下蒙恩還朝過其墓留題驛梁

諸本只作題驛梁下有注字與

此題少異

嗣立補注公集女挈壙銘女挈韓愈第四女也愈為少秋官斥之潮州女挈年十二輿致走道死于商南層峰驛即瘞道

南山下

數條藤束木皮棺草殯荒山白骨寒驚恐入心身已

病扶舁

音余

沿路衆知難繞墳不暇號三帀

禮記延陵季子死葬於贏博之

間既封左袒右還其封且號者三

設祭惟聞飯一盤

荆楚歲時記祭子推文黍飯一盤

致汝無

辜由我罪百年慙痛淚闌干

杜子美詩相視涕闌干

賀張十八祕書得裴司空馬

一作酬張祕書因騎馬贈詩

嗣立補注舊唐書張籍傳籍自太常寺太祝轉國子助教祕書郎裴度傳穆宗即位進位檢校司空兼充押北

山諸蕃使

司空遠寄養初成毛色桃花眼鏡明

爾雅馬黃白雜毛曰駮郭璞曰今之桃花馬選

赭白馬賦雙瞳夾鏡

落日已曾交轡語春風還擬並鞍行長令奴

僕知飢渴須著賢良待性情旦夕公歸伸拜謝免勞

騎去

一作去騎

逐雙旌

方云裴詩有他日著鞭能顧我之語故云爾

杏園送張徹侍御

一無侍御二字

歸使

一無歸使二字

方云徹時以幽州判官趨朝半道有詔還之仍遷侍御史從張弘靖之請也其實徹已抵京但未朝見耳舊傳云續有張徹自遠使歸是也杏園在長安城南詳見卷三杏花詩注

東風花樹下送爾出京城久抱傷春意新添惜別情

歸來身已病相見眼還明更遣將詩酒誰家逐後生

雨中寄張博士籍侯主簿喜

放朝還不報半路蹋泥歸

朱云疑以雨放朝而有司失於關報行至半路乃得報而歸也

雨慣

曾無節雷頻自失威見牆生菌徧憂麥作蛾飛

述異記晉太康

中麥化為飛蛾

歲晚偏蕭索誰當救晉饑

左傳僖公十三年冬晉荐饑使乞糴于秦

奉和

一無奉和字

兵部張侍郎酬鄆州馬尚書祇

一作被

召途中見寄開緘之日馬帥已再領鄆州之

作

一無鄆州之作字原注張謂張賈

嗣立補注舊唐書馬摠傳元和十四年遷檢校刑部尚書鄆州刺史天平軍節度鄆曹濮等州觀察等使就加

檢校尚書左僕射

來朝當路日承詔改轅時再領須句

音國

左傳僖公二十一年邾人滅須

句杜預曰須句在東平須昌縣西北仍遷少昊司韓云秋帝少昊蓋主刑而揔加檢校刑部尚書故云暖風抽

宿麥清雨卷歸旗賴寄新珠玉長吟慰我思

石林詩話蔡天啓言嘗與張文潛論韓柳五字警句文潛舉退之暖風抽宿麥清雨卷歸旗子厚僻空殘月曙門掩候蟲秋皆集中第一

早春與張十八一無十博士籍遊楊尚書林亭

寄第三閣老兼呈白馮二閣老

方云白居易馮宿也第三閣老楊於陵之子嗣復也白和詩只作楊舍人林池嗣立補注舊唐書楊嗣復傳字繼之僕射於陵子也擢進士第長慶元年十月以庫部郎中知制誥正拜中書舍人馮宿傳宿東陽人元和十二年從裴度東征為彰義軍判官准西平拜比部郎中長慶二年拜中書舍人白居易傳字樂天太原人文辭富艷尤精于詩筆長慶元年十月轉中書舍人云閣老二字按楊綰傳故事中書舍人年久者為閣老云

牆下春渠入禁溝一作流渠冰初破滿渠浮鳳池近日長

先暖流到池時更一作見不流

奉使常山早一無早字次太原呈副使吳郎中

方云公使鎮州吳丹以駕部郎中副行嗣立補注舊唐書穆宗紀長慶元年七月鎮州軍亂節度使田弘正遇害推衙將王廷湊為留後二年二月詔雪王廷湊仍令兵部侍郎韓愈往彼宣諭事詳見公本傳唐地理志鎮州常山郡大都督府本恒州恒山郡元和十五年避穆宗更名屬河北道又太原府太原郡本并州開元十一年為府屬河東道

朗朗聞街鼓晨起似朝時翻翻走驛馬春盡是歸期

地失嘉禾處書序唐叔得禾異畝同穎獻諸天子王命唐叔歸周公于東作歸禾周公既得命禾旅天子之命作嘉禾漢書地理風存蟋蟀辭嗣立補注毛詩蟋蟀刺晉僖公也此晉也而謂之唐本其風俗憂深

志太原晉陽縣故詩唐國晉水所出東入汾暮齒良多感無事涕垂頤

夕次壽陽驛題吳郎中詩後一作壽陽驛題絕句蜀本亦注夕次字

唐地理志壽陽縣屬太原府太原郡

風光欲動別長安春半邊城特地寒不見園花兼巷柳馬頭惟有月團團

鎮州初歸

別來楊柳街頭樹擺一作搖弄一作撼春風只一作祇欲飛還有小

園桃李在留花不發待郎歸

云唐語林云退之二侍妾名柳枝絳桃初使王廷湊至壽陽驛絕

句云云邵氏聞見錄孫子陽為余言近時壽陽驛發地得二詩石唐人跋云退之有倩桃風柳二妓歸途聞風柳已去故云云後張籍祭退之詩云乃出二侍女非此二人邪

同水部張員外曲江春遊寄白二十二舍人

一作同張水部籍遊曲江寄云云

嗣立補注舊唐書張籍傳累授國子博士水部員外郎中卒世謂之張水部云曲江見卷三杏花詩注云白樂天集有和篇後世傳韓白無往來之詩非也

漠漠輕陰晚自開青天一作春白日映樓臺曲江水滿花

千樹有底忙時不肯來

和水部張員外宣政衙賜百官櫻桃詩一作和張水部

勅賜櫻桃詩

嗣立補注長安志宣政殿在宣政門內唐李綽歲時記四月一日內園薦櫻桃寢廟薦訖班賜各有差

漢家舊種明光殿洛陽宮殿簿漢有明光殿徽音殿又顯陽殿前櫻桃六株徽音殿前軋元殿前並三株炎

帝還書本草經神農本草櫻桃味甘益脾胃豈似滿朝承雨露共看傳

賜出青冥香隨翠籠擎初到一作重色映一作照銀盤寫未

停嗣立補注禮記器之溉者不寫其餘皆寫注謂傳之器中杜子美野人送朱櫻詩數回細寫愁仍破食罷自知無所

報空然慙汗仰皇局

早春呈水部張十八員外二首

天街小雨潤如酥草色遙看近却無最是一年春好處絕勝花一作煙柳滿皇都

莫道官忙身老大即無年少逐春心憑君先到江頭看柳色如今深未深

送桂州嚴大夫一有赴任二字公自注同用南字原注嚴謨也

嗣立補注唐地理志桂州始安郡中都督府

蒼蒼森八閣本作八月桂一作樹山海經桂林八樹在賁隅東郭璞曰樹成林言其大也賁隅音番禺選天台山賦八桂森挺以凌

霜茲地閣本在一作樹湘南江作青羅帶山如碧玉簪祖含切與簪同

梁劉孝威詩金篦臨鬢斜蘇東坡云退之詩江作青羅帶子厚詩海上羣山似劍鋌子瞻為之對曰繫滿豈無羅帶水割愁還有劍鋌山戶多輸

翠羽家自種黃甘遠勝登仙去飛鸞不假一作暇驂

奉酬天平馬十二僕射暇日言懷見寄之作

見前奉和兵部張侍郎酬鄆州馬尚書詩注

天平篇什外政事亦無雙威令加徐土儒風被魯邦

王云劉夢得天平軍節度使廳壁記惟鄆在春秋為須句之國宣精在上奎為文宿畫野在下魯為儒邦禹貢海岱及淮惟徐州前漢以徐隸臨淮則徐亦魯也詩常武省此徐土闕宮魯邦是常清為公論重寬得士心降歲晏偏相憶

長謠坐北窗選劉越石詩引領長謠

奉使鎮州行次承天行營奉酬裴司空一有相公字

竄逐三年海上歸逢公復此著征衣旋吟佳句還鞭

馬恨不身先去鳥飛

鎮州路上謹一作奉酬裴司空相公重見寄

銜命山東撫亂師日馳三百自嫌遲風霜滿面無人

識何處如今更有詩

奉一無和僕射裴相公感恩言志

文武成功後居為百辟師林園窮勝事鐘鼓樂清時

擺落遺高論雕鐫出小詩自然無不可范蠡爾其一作

誰史記越王勾踐世家范蠡事越王滅吳報會稽之恥以為大名之下難以久居乃裝其輕寶乘舟浮海以行終不反

詩話云慶曆中西師未解晏元獻為樞密使會大雪置酒西園歐陽永叔賦詩云須憐鐵甲冷徹骨四十餘萬屯邊兵晏曰昔韓愈亦能作言語赴

裴度會但云林園窮勝事鐘鼓樂清時不曾如此作鬧

和一有裴字僕射相公朝迴一作見寄

盡瘁年將久公今始暫閑事隨憂共減詩與酒俱還

放意機衡外收身矢石間秋臺風日迴正好看前山

奉和李相公題蕭家林亭原注逢吉

樊云蕭氏在唐最盛瑤嵩華復俊寘傲遇凡八葉宰相嵩第在城南布政坊真第在城南永樂坊見長安志

山公自是林園主

晉山簡傳鎮襄陽時諸習氏荆土豪族有佳園池簡每出遊嬉多之池上置酒輒醉名之曰高陽池時有兒童歌曰山公出何許往至高陽池日夕

倒載歸酌無所知詳見卷二歸彭城詩注歎惜前賢造作時巖

洞幽深門盡鎖不因丞相幾人知

奉和杜相公太清宮紀事陳誠上李相公十

六韻一作杜相公太清宮十六韻紀事陳誠上李相因和原注杜謂元穎也

嗣立補注舊唐書杜元穎傳貞元末進士登第穆宗即位拜戶部侍郎承旨長慶元年以本官同平章事玄宗

紀天寶元年陳王府參軍田同秀上言玄宗皇帝見于丹鳳門之通衢告錫靈符在尹喜故宅上遣使就函谷關尹喜臺西發得之乃置玄宗廟于大寧坊親享新廟九月改為太上玄元皇帝宮二年改為太清宮

耒耜興姬國史記周本紀周后稷名弃堯舉為農師封于邰號曰后稷別姓姬氏輶丑倫切標力追切建夏

家書禹曰子乘四載孔氏云水乘舟陸乘車泥乘輶山乘標史記夏本紀泥行乘橈山行乘橈孟康曰橈形如箕適行泥上如淳曰橈車謂以鐵如椎頭長

半寸施之履下以上山不蹉跌也在功誠可尚於道詎為華象帝威容大

仙宗寶曆賒衛門羅戟架圖壁雜龍蛇禮樂追尊盛

乾坤降福遐四真皆齒列舊唐書玄宗紀天寶元年親享玄宗皇

為通玄真人列子號為冲虛真人庚桑子二聖亦肩差雍錄初太清宮

號為洞虛真人其四子所著書改為真經陽月時之首爾雅十月為陽陰泉

氣未牙殿階一作筵鋪水碧庭炬坼金葩紫極觀忘倦立嗣

補注舊唐書玄宗紀天寶二年三月改天下諸郡玄宗廟為紫極宮青詞奏不譁云本朝景靈宮天典

用唐制也曾音宏吟音宏宮夜闢選長門賦聲曾嘈才曷切嘯才曷切鼓晨樞陟瓜切選

東京賦奏嚴鼓之嘈嘯襲味陳奚取嗣立按劉石齡云禮記郊特牲不敢用襲味而貴多品名香薦孔

嘉垂祥紛可錄俾壽浩無涯貴相山瞻峻清文玉絕

瑕代工聲問遠畫天工人其代之攝事敬恭加皎潔當天月歲

一作萎蕤捧日霞唱妍酬亦一作匪麗俛仰但稱嗟方云唱酬謂李杜稱嗟公自謂

也

昌黎先生詩集注卷第十

昌黎先生詩集注卷第十一

外集詩五首

芍藥歌

一本作玉司馬紅芍藥歌

丈人庭中開好花更無凡木爭春華翠莖紅榮天力
 與此恩不屬黃鍾家溫馨熟美鮮香起似笑無言習
 君子霜刀翦汝天女勞何事低頭學桃李嬌癡婢子
 無靈性一作性靈競挽春衫來比並欲將雙頰一晞一作稀紅綠
 窗磨徧青銅鏡一罇春酒甘若飴音怡丈人此樂無人
 知花前醉倒歌者誰楚狂小子韓退之

海水

一有詩字

海水非不廣鄧林豈無枝

鄧林事出列子詳見卷八納涼聯句詩注

風波一蕩薄

魚鳥不可依海水饒大波鄧林多驚風豈無魚與鳥

巨細各不同海有吞舟鯨選吳都賦鄧有垂天鵬事見莊子逍遙

遊篇見卷二北極詩注苟非鱗羽大蕩薄不可能我鱗不盈寸我羽

不盈尺一木有餘陰一泉有餘澤我將辭海水濯鱗

清泠池我將辭鄧林刷羽蒙籠枝海水非愛廣鄧林

非愛枝風波亦常事鱗羽自不宜一作不自疑我鱗日已大

我羽日已脩風波無所苦還作鯨鵬遊

贈崔立之

昔者十日雨子桑苦寒飢哀歌坐空屋一作房不怨但自

悲其友名子輿忽然憂且思褰裳觸泥水裹飯往食

之入門相對語天命良不疑好事漆園吏書之存雄

辭史記莊子列傳莊周嘗為漆園吏嗣立補注莊子大宗師篇子輿與子桑友而霖雨十日子輿曰子桑殆病矣裹飯而往食之至子桑之門則若歌

若哭父邪母邪天乎人乎子輿入曰何故若是曰吾思夫至此極者而弗得也至此極者命也夫千年事已遠二子

情可推我讀此篇日正當雨雪時吾身固已困吾友

復何為薄粥不足裹深泥諒難馳曾無子輿事空賦

子桑詩一本無此二句

贈河陽李大夫

云疑為李芄德宗初為河陽節度使公年十二當大曆十四年隨伯兄會遷嶺表會卒從鄭嫂歸葬河陽

時李希烈李惟岳田悅梁崇義朱滔之徒相扇繼變中原騷然故祭鄭嫂文云既克反葬遭時艱難而此詩亦

有四海失巢穴之句時年十四五矣公嘗自言十三而能文恐或然也嗣立補注舊唐書李芄字茂初趙郡人

德宗嗣位授檢校太常少卿兼御史中丞河陽三城鎮

過使間一年加檢校左庶子河陽三城懷州節度觀察使

四海失巢穴兩都困塵埃感恩由猶古字通未一作能報惆

悵空一來裘破一作破裘氣一作竟不暖馬羸一作羸馬鳴且哀主人

情更重空使劍鋒摧

苦寒歌

黃昏苦寒歌夜半一作半夜不能休豈不有陽春節歲一作歲節聿

其周一作歲聿不其周君何愛疑有脫字重裘兼味養一作成大賢冰食

葛製神所一作誠可憐填窗塞戶慎勿出暄風暖景明年日

遺詩十六首

同竇年韋執中尋劉尊師不遇

方云此詩得於五竇聯珠集公時任都官外郎同洛陽令竇年河南令韋執中以訪之元和五年也詩以同尋師為韻人各一首洪氏年譜亦見

秦客何年駐仙源此地深還隨躡鳧騎嗣立補注後漢王喬傳為葉令入朝

數帝令太史候望言有雙鳧飛來乃舉羅張之但得隻鳥則所賜尚書官屬履也來訪馭風襟嗣立補注莊子逍遙遊篇列子

御風而行泠然善也院閉青霞入松高老鶴尋猶疑隱形坐敢起

竊桃心見卷七讀東方朔雜事詩注

春雪

方云此詩得於文苑英華其後即以正集中春雪詩首句云新年都未有芳華者系之疑亦公作也

片片驅鴻急紛紛逐吹斜到江還作水著樹漸成花

越喜飛排瘴胡愁厚蓋砂兼雲封洞口助月照天涯

暝見迷巢鳥朝逢失轍車呈豐盡相賀寧止力耕家

贈族姪上或有徐州字

我年十八九壯氣起胷中作書獻雲闕辭家逐秋蓬

歲時易遷次身命多厄窮一名雖云就片祿不足充
 今者復何事卑棲寄徐戎蕭條資用盡濩落門巷空
 朝眠未能起遠懷方鬱悰擊門者誰子問言乃吾宗
 自云有奇術探妙知天工既往悵何及將來喜還通
 期我語非佞當為佐時雍

嘲鼾睡二首

洪云李希聲家有退之遺詩數十篇希聲云皆非也獨
 嘲鼾睡一篇似之錄于末嗣立按周紫芝竹坡詩話退
 之遺文中載嘲鼾睡二詩話極怪譎退之平日未嘗用
 佛家語作詩今云有如阿鼻尸長喚忍眾罪其非退之
 作決矣又如鐵佛聞皺眉石人戰搖體之句大似鄙陋
 退之何嘗作是語小兒輩亂真如此者甚眾烏可不辨

澹師晝睡時聲氣一何猥頑颺吹肥脂坑谷相鬼磊
 雄哮乍咽絕每發壯益倍有如阿鼻尸長喚忍眾罪

馬牛驚不食百鬼聚相待木枕十字裂鏡面生疥癩
 鐵佛聞皺眉石人戰搖腿孰云天地仁吾欲責真宰
 幽尋虱搜耳猛作濤翻海太陽不忍明飛御皆惰怠
 乍如彭與黥呼冤受菹醢又如圈中虎號瘡兼吼餒
 雖令伶倫吹苦韻難可改雖令巫咸招魂爽難復在
 何山有靈藥療此願與採

澹公坐臥時長睡無不穩吾嘗聞其聲深慮五藏損
 黃河弄瀆瀑梗澀連拙鮫南帝初奮槌一竅洩混沌
 迴然忽長引萬丈不可忖謂言絕於斯繼出方袞袞
 幽幽寸喉中草木森葦葦盜賊雖狡獪亡魂敢窺聞
 鴻蒙總合雜詭譎騁戾狠乍如鬪呶呶忽若怨悵悵

賦形苦不同無路尋根本何能堙其源惟有土一畚

畫月

玉盃不磨著泥土

嗣立補注南史沈炯傳茂陵玉盃遂出人間

青天孔出白石補

嗣立補注列子天地亦物有不足故昔者女媧氏選五色石以補闕

兔入白藏蛙縮肚桂樹枯株

女閉戶

俱見卷五效玉川子月蝕詩注

陰為陽羞固自古嗟汝下民或敢

侮戲謔盜視汝目瞽

贈張徐州莫辭酒

莫辭酒此會固難同請看工女機上帛半作軍人旗
上紅莫辭酒誰為君王之爪牙春雷三月不作響戰
士豈得來還家

辭唱歌

王云諸本注云此篇恐非公作今姑存之

抑逼教唱歌不解看豔詞坐中把酒人豈有歡樂姿
幸有伶者婦腰身如柳枝但令送君酒如醉如憨癡
聲自肉中出使人能透隨復遣慳恹者贈金不皺眉
豈有長直夫喉中聲雌雌君心豈無恥君豈是女兒
君教發直言大聲無休時君教哭古恨不肯復吞悲
乍可阻君意豔歌難可為

知音者誠希

選古詩不愁歌者苦但傷知音希

知音者誠希念子不能別行行天未曉攜手踏明月
酬藍田崔丞立之詠雪見寄

京城數尺雪寒氣倍常年泯泯都無地茫茫豈是天
 崩奔驚亂射揮霍訝相纏不覺侵堂陛方應折屋椽
 出門愁落道上馬恐平韉朝鼓矜凌起山齋醅酌眠
 吾方嗟此役君乃詠其妍水玉清顏隔波濤盛句傳
 朝飧思共飯夜宿憶同羶舉目無非白雄文乃獨玄

潭州泊船呈諸公

嗣立補注唐地理志潭州長沙郡屬江南西道元和郡國志隋平陳改湘州曰潭州取昭潭為名

夜寒眠半覺鼓笛鬧嘈嘈聞浪春樓堞驚風破竹篙
 主人看使範客子讀離騷聞道松醪賤何須恡錯刀

嗣立補注張平子四愁詩美人贈我金錯刀

飲城南道邊古墓上逢中丞過贈禮部衛員

外少室張道士

原注中丞謂裴度也

偶上城南土骨堆共傾春酒三五盃為逢桃樹相料

聊理音理嗣立按劉石齡云晉王徽之傳桓沖謂曰卿在府日久比當相料理杜子美詩未須料理白頭人不覺中丞喝道

來

池上絮

池上無風有落暉楊花晴後自飛飛為將纖質凌清
 鏡濕却無窮不得歸

有所思聯句

方云此下三聯句見孟東野集

相思繞我心日夕千萬重年光坐晚晚春淚銷顏容
 郊臺鏡晦舊暉庭草滋新茸望天山上石別劍水中

龍愈

遣興聯句

我心隨月光寫君庭中央
 郊月光有時晦我心安所
 忘愈常恐金石契斷為相思
 腸郊平生無百歲岐路
 有四方愈四方各異俗
 適異非所將郊鴛蹄顧挫秣
 逸翻遺稻梁愈時危抱獨沈
 道泰懷同翔郊獨居久
 寂默相顧聊慨慷愈慨慷
 丈夫志可以耀鋒鋌郊遽
 寗知卷舒孔顏識行藏愈
 朗鑒諒不遠佩蘭永芬芳
 郊苟無夫子聽誰使知音揚愈

贈劔客李園聯句

天地有靈術得之者唯君
 郊築爐地區外積火燒氛
 氲愈照海鑠幽怪滿空敲
 異氛郊山磨電弈弈水淬
 龍螭愈太一裝以寶列仙
 篆其文郊可用懾百神
 豈唯壯三軍愈有時幽匣
 吟忽似深潭聞郊風胡久
 已死此劔將誰分愈行當
 獻天子然後致殊勳郊豈
 如豐城下空有斗閒雲愈

新添詩五首

俱從文集錄入

鄆州谿堂詩

嗣立按公集鄆州谿堂詩序馬摠為鄆曹濮節度觀察等使為堂于居之西北隅號曰谿堂

帝奠九壘與廛同有葉有年有荒不一作有條河岱之間及我
 憲考一收一作收正之視邦選侯以公來尸公來尸之人
 始未信公不飲食以訓以徇孰饑無食孰呻孰歎孰

冤不問不得分願孰為邦蝨一作蚌音義同節根之螟羊很狼

貪嗣立補注史記項羽本紀很如羊貪如狼以口覆城吹之煦之摩手拊之箴一作針

之石之膊而磔之左傳成公二年殺而膊諸城上杜預曰膊磔也凡公四封既富以

彊謂公吾父孰違公令叶平聲可以師征不寧守邦公作

谿堂播播流水淺有蒲蓮深有葭葦公以賓燕其鼓

駭駭周禮鼓皆駭鄭氏曰疾雷擊鼓曰駭選西京賦駭雷鼓公燕谿堂賓校醉飽流有跳

魚岸有集鳥既歌以舞其鼓考考公在谿堂公御

琴瑟公暨賓贊稽經諏音去聲律施音去聲用不差人用不屈

谿有賞毗賓切與萍同苾音孤與菰同有龜有魚公在中流右詩左書

無我斲音亦遺此邦是麻

送張道士

公送張道士序云張道士嵩高之隱者通古今學有文武長材寄迹老子法中為道士以養其親九年聞朝廷將治東方侯有請貢賦之不如法者三獻書不報長揖而去京師士大夫多為詩以贈而屬愈為序云公遺詩有飲城南道邊古墓上逢中丞過贈兵部衛員外少室張道士豈此道士邪

大匠無棄材尋尺各有施况當營都邑杞梓用不疑

張侯嵩高來面有熊豹姿開口論利害劒鋒白差差

恨無一尺捶一作篋為國答羌夷詣闕三上書臣非黃冠

師臣有膽與氣不忍死茅茨又不媚笑語不能伴兒

嬉乃著道士服眾人莫臣知臣有平賊策狂童不難

治平聲其言簡且要陛下幸聽之天空日月高下照理

不遺或是章奏繇裁擇未及斯寧當不竣報歸袖風

披披答我事不爾吾親屬吾思昨宵夢倚門手取連

環持今日有書至又言歸何時霜天熟柿栗收拾不
可遲嶺北梁可構寒魚下清伊一作漪既非公家用且復
還其私從容進退間無一不合宜時有利不利雖賢
欲奚為但當勵前操富貴非公誰

送鄭十校理

公自注得洛字

舊唐書鄭餘慶傳子瀚本名涵以文宗藩邸時名同改名瀚貞元舉進士以父謫官累年不仕自秘書省校書郎遷洛陽尉充集賢院修撰改長安尉集賢校理云公以元和四年六月為都官員外郎分司東都涵求告來寧公於其行作序并詩以送之蓋五年春也故有歸騎春衫薄之句

相公倦台鼎分正

一作政

新邑洛才子富文華校讎天祿

閣

嗣立補注三輔故事天祿閣在大殿北以閣秘書

壽觴佳節過歸騎春衫

一作和

薄鳥

啁正文加楊花共紛泊親交

一作交親

誰不羨去去翔寥廓

嗣立補注漢司馬相如傳鶴鳴已翔乎寥廓之字文選謝玄暉詩寄言尉羅者寥廓已高翔

送汴州監軍俱文珍

韓云董晉為汴州陳留郡節度使治汴州俱文珍為監軍公為觀察推官文珍將如京師作序并詩以送之

奉使羌池靜臨戎汴水安冲天鵬翅闊報國劍鋌寒

曉日驅征騎春風詠采蘭

選東廣微補亡詩循彼南陔言采其蘭善曰循陔以采香草者將以供養其父母

誰言臣子道忠孝兩全難

石鼎聯句詩

石鼎聯句詩序元和七年十二月四日衡山道士軒轅彌明自衡下來舊與劉師服進士衡湘中相識將過太白知師服在京夜抵其居宿有校書郎侯喜新有能詩聲夜與劉說詩彌明在其側貌極醜白鬚黑面長頸而高結喉中又作楚語喜視之若無人彌明忽軒衣張眉指鑪中石鼎謂喜曰子云能詩能與我賦此乎劉往見衡湘間人說云年九十餘矣解捕逐鬼物拘囚蛟螭虎豹不知其實能否也見其老頗貌敬之不知其有文也

聞此說大喜即援筆題其首兩句次傳於喜喜踊躍即綴其下云云道士啞然笑曰子詩如是而已乎即袖手竦肩倚北牆坐謂劉曰吾不解世俗書子為我書因高吟曰龍頭縮菌蠢豕腹漲彭亨初不似經意詩旨有似譏喜二子相顧慙駭欲以多窮之即又為而傳之喜喜思益苦務欲歷道士每營度欲出口吻聲鳴益悲操筆欲書將下復止竟亦不能奇也畢即傳道士道士高踞大唱曰劉把筆吾詩云云其不用意而功益奇不可附說語皆侵劉侯喜益忌之劉與侯皆已賦十餘韻彌明應之如響皆穎脫含譏諷夜盡三更二子思竭不能續因起謝曰尊師非世人也某伏矣願為弟子不敢更論詩道士奮曰不然章不可以不成也又謂劉曰把筆來吾與汝就之即又唱出四十字為八句書訖使讀讀畢謂二子曰章不已就乎二子齊應曰就矣道士曰此皆不足與語此寧為文邪吾就子所能而作耳非吾之所學於師而能者也吾所能者子皆不足以聞也獨文乎哉吾語亦不當聞也吾閉口矣二子大懼皆起立牀下拜曰不敢他有問也願聞一言而已先生稱吾不解人間書敢問解何書請聞此而已道士寂然若無聞也累問不應二子不自得即退就坐道士倚牆睡鼻息如雷鳴二子怛然失色不敢喘斯須曙鼓動鼕鼕二子亦困遂坐睡及覺日已上驚顧覓道士不見即問童奴奴曰

天且明道士起出門若將便旋然奴怪久不返即出門覓無有也二子驚惋自責若有失者間遂詣余言余不能識其何道士也嘗聞有隱君子彌明豈其人邪韓愈序洪云石鼎聯句詩或云皆退之所作如毛穎傳以文滑稽耳軒轅寓公姓彌明寓公名侯喜師服皆其弟子也余曰不然公與諸子嘲戲見於詩者多矣皇甫湜不能詩則曰倚撫糞壤間孟郊思苦則曰腸肚鎮煎燭樊宗師語澀則曰辭慳義卓闊止於是矣不應譏誚輕薄如是之甚也且序云衡山道士軒轅彌明貌極醜白鬚黑面長頸而高結喉中又作楚語年九十餘此豈亦退之自謂邪予同年李道立云嘗見唐人所作賈島碣云石鼎聯句所稱軒轅彌明即君也島范陽人彌明衡山人島本浮屠而彌明道士附會之妄無可信者獨仙傳拾遺有彌明傳雖祖述退之之語亦必有是人矣聯句若以為公作則若出一口矣今讀其劉侯句不及彌明遠甚何至是邪蓋聞君子損己以成人之美未聞抑人以取勝也朱云此詩句法全類韓公而或者所謂寓公姓名者蓋軒轅反切近韓字彌字之義又與愈字相類即張籍所譏與人為無實駁雜之說者也故竊意或者之言近是洪氏所疑容兒聲音之陋乃故為幻語以資笑謔又以亂其事實使讀者不之覺耳若列仙傳則又好事者因此序而附著之尤不足以為據也

巧匠斲山骨剗中事煎烹師服直柄未當權塞口且

吞聲喜龍頭縮菌蝨嗣立補注文選南都賦芝房菌蝨生其隈豕腹漲彭亨彌明

見卷八城南聯句詩注外苞乾薛文中有暗浪驚師服在冷足自安

遭焚意彌貞喜謬當鼎鬲間妄使水火爭彌明大似

烈士膽圓如戰馬纓師服上比香爐尖下與鏡面平

喜秋瓜未落蒂凍芋強抽萌彌明一塊元氣閉細泉

幽竇傾師服不值輸寫處焉知懷抱清喜方當洪鑪

然益見小器盈彌明皖皖華縮切一作宛宛無刃迹莊子天地篇皖然在繆繳之

中注窮視貌團團類天成師服遙疑龜負圖出曝曉正晴喜

旁有雙一作雙耳穿上為孤髻撐或訝短尾鈔徒弔切又似無

足鐺初耕切師服可惜寒食毬擲此傍路坑喜何當出灰

地徐也切無計離餅罌彌明陋質荷斟酌狹中愧提擎師

服豈能煮仙藥但未汗羊羹喜形模婦女笑度量兒

童輕彌明徒示一作爾堅重性不過一作合升一作斗盛一作成師服

傍一作仍似廢轂仰側見折軸橫喜時於蚯蚓竅微作蒼

蠅鳴彌明以茲一作忽羅翻溢愆實負任使誠師服常居顧

眄地敢有漏洩情喜寧依暖熱弊不與寒涼并彌明

區區徒自效瑣瑣不足呈喜諸本無喜字迴旋但兀兀開闔

惟鏗鏗師服全勝瑚璉貴空有口傳名豈比俎豆古

不為手所橙除庚切洪本作振博雅橙揆也淮南子子路橙溺而受牛謝注橙舉也磨礪去圭角

浸潤著直略切光精願君莫嘲誚此物方施行彌明

昌黎先生詩集注卷第十一



